

OKVIRNI SPORAZUM
O nabavci usluga servisiranja i održavanja službenog motornog vozila
VOLKSWAGEN PASSAT B8 2.0 TDI 4motion CL

između:

1. **Ustavni sud Bosne i Hercegovine** sa sjedištem u Sarajevu, ul. Reisa Džemaludina Čauševića 6/III, kojeg zastupa Nataša Vuković, generalni sekretar Ustavnog suda Bosne i Hercegovine (u daljnjem tekstu: **Naručilac usluga**)

i

2. **SARADIS d.o.o. Vogošća**, Donji Hotonj bb, Vogošća, kojeg zastupa Adis Efendić, direktor (u daljnjem tekstu: **Pružalac usluga**)

Član 1.
(Predmet okvirnog sporazuma)

(1) Predmet ovog okvirnog sporazuma je nabavka usluga servisiranja i održavanja službenog motornog vozila VOLKSWAGEN PASSAT B8 2.0 TDI 4motion CL za potrebe **Naručioca usluga**.

(2) **Naručilac usluga** i **Pružalac usluga** su saglasni da okvirni sporazum realiziraju prema definisanim uslovima u tenderskoj dokumentaciji, SU-08-1185-4/22 od 18. novembra 2022. godine i prema sadržaju ponude broj 1122/22 od 22. novembra 2022. godine sa kojom je **Pružalac usluga** učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

(3) **Naručilac usluga** zadržava pravo potpune ili djelimične realizacije nabavke usluga do ukupne planirane vrijednosti, a prema planu potreba za predmetnu nabavku.

Član 2.
(Vrijednost okvirnog sporazuma)

(1) Okvirni sporazum se zaključuje sa procijenjenom vrijednosti, u iznosu do 3.000,00 KM bez uključenog PDV-a, odnosno 3.510,00 KM sa uključenim PDV-om.

(2) Za pružanje usluga iz člana 1. ovog okvirnog sporazuma utvrđuje se ugovorna cijena za set usluga od 12 stavki prema ponudi broj 1122/22 od 22. novembra 2022. godine i rezultatima održane e-aukcije, u iznosu od 697,86 KM bez uključenog PDV-a odnosno 816,50 KM sa uključenim PDV-om. Ostale pojedinačne cijene definisane su ponudom **Pružaoaca usluga** i dostavljenim CD-om sa svim rezervnim dijelovima za predmetno vozilo.

(3) Ukupna plaćanja bez poreza na dodatnu vrijednost, na osnovu izvršenih svih pojedinačnih usluga po zahtjevima **Naručioca usluga** na osnovu ovog okvirnog sporazuma ne smiju prelaziti procjenjenu vrijednost nabavke iz stava (1) ovog člana.

Član 3. **(Način plaćanja)**

(1) Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana od dana prijema računa sa priložima (radni nalog i specifikacija ugrađenih dijelova) od strane Pružaoca usluga bez primjedbi, račun proslijediti na plaćanje Ministarstvu finansija i trezora BiH.

(2) Pružalac usluga je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

(2) Pružalac usluga se obavezuje na nepromjenjivost cijena tokom cijelog ugovornog perioda.

Član 4. **(Rok izvršenja usluga)**

(1) Obavljanje usluga iz člana 1. ovog okvirnog sporazuma će se vršiti sukcesivno i kontinuirano po pojedinačnim zahtjevima Naručioca usluga.

(2) Pružalac usluga osigurava isporuku svih potrebnih rezervnih dijelova za opravku i servisiranje službenih motornih vozila i obavezuje se da će u slučaju kvara osigurati tvornički nove rezervne dijelove i kvar otkloniti u roku od maksimalno 72 sata po preuzimanju vozila. U slučaju dužih popravaka vozila, Pružalac usluga je dužan obavjestiti i detaljno izvjestiti Naručioca usluga i dati procjenu roka popravke.

(3) U toku ugovornog perioda, Pružalac usluga ispostavlja predračune odnosno fakture na osnovu ponude i dostavljenog CD-a odnosno aktuelnog cjenovnika sa listom svih rezervnih dijelova za vozilo marke VOLKSWAGEN PASSAT B8 2.0 TDI 4motion CL i njihovim cijenama.

Član 5. **(Viša sila)**

(1) Naručilac usluga i Pružalac usluga se neće smatrati odgovornima za kašnjenje u ispunjenju obaveza prema ovom okvirnom sporazumu, neposredno ili posredno, ako je zakašnjenje usljedilo usljed više sile.

(2) Pod višom silom podrazumijevaju se slučajevi koji se mogu pojaviti poslije stupanja ovog okvirnog sporazuma na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprečavaju jednu ili obje ugovorne strane u ispunjavanju preuzetih obaveza po ovom sporazumu.

(3) U što skorijem roku, nakon djelovanja *više sile*, a ne duže od dva dana, Pružalac usluga detaljno obavještava Naručioca usluga pismenim putem o djelovanju *više sile*. U slučaju da se utvrdi da Pružalac usluga nije u mogućnosti da ispuni obaveze prema ovom okvirnom sporazumu, Naručilac usluga ima, i može koristiti, pravo na raskid ovog sporazuma o čemu će pismenim putem obavijestiti Pružaoca usluga u roku ne dužem od tri dana nakon saznanja o djelovanju više sile.

Član 6.
(Garancija)

- (1) Pružalac usluga garantuje da će usluge iz člana 1. ovog sporazuma vršiti kvalitetno, savjesno, blagovremeno uz angažovanje stručnih i obučениh servisera, a u cilju produženja vijeka trajanja vozila.
- (2) Garantni rok na izvršenu uslugu i na ugrađene rezervne dijelove je minimalno godinu dana.
- (3) Ukoliko se oštećenje ili nedostaci pokažu za vrijeme trajanja garancije, Naručilac usluga pismenim putem obavještava Pružaoca usluga koji je obavezan da o svom trošku i u što je moguće kraćem roku popravi ili otkloni uočene nedostatke.
- (4) Pružalac usluga garantuje da će ugrađeni rezervni dijelovi biti tvornički novi, neupotrebljavani, originalni i da će funkcionisati.

Član 7.
(Specifikacija)

Sastavni dio ovog okvirnog sporazuma je ponuda Pružaoca usluga broj 1122/22 od 22. novembra 2022. godine sa kojom je učestvovao u konkurentskom zahtjevu za dostavljanje ponude i Izvještaj održane e-aukcije.

Član 8.
(Period trajanja sporazuma)

- (1) Ovaj okvirni sporazum počinje sa primjenom danom obostranog potpisivanja i zaključuje na period od 12 mjeseci, odnosno u okviru vrijednosti iznosa na koji se zaključuje okvirni sporazum iz člana 2. stav (1) ovog okvirnog sporazuma.
- (2) Unutar zaključenog okvirnog sporazuma neće se zaključivati posebni ugovori, već će se pojedinačne nabavke vršiti po potrebi i po zahtjevu Naručioca usluga.
- (3) Ukoliko se jedna od ugovornih strana ne bude pridržavala odredbi ovog sporazuma, okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog okvirnog sporazuma.
- (4) Otkazni rok po ovom sporazumu je 30 dana, a ugovorne strane ovog sporazuma se obavještavaju pismenim putem.

Član 9.
(Zaštita prava)

- (1) U slučaju spora po odredbama ovog okvirnog sporazuma, ugovorne strane će ga nastojati riješiti mirnim putem, u protivnom nadležan je Sud Bosne i Hercegovine u Sarajevu.
- (2) Na sva prava i obaveze ugovornih strana koja nisu regulisana ovim ugovorom, primjenit će se odredbe Zakona o obligacionim odnosima u Bosni i Hercegovini.

Član 10.
(Stupanje na snagu)

Ovaj okvirni sporazum stupa na snagu danom potpisivanja od strane ovlaštenih lica ugovornih strana.

Član 12.
(Broj primjeraka okvirnog sporazuma)

Ovaj okvirni sporazum sačinjen je u četiri (4) istovjetna primjerka, od kojih svaka ugovorna strana zadržava po dva (2) primjerka.

ZA ISPORUČIOCA

Adis Efendić

Direktor

ZA NARUČIOCA

Nataša Vuković

Generalni sekretar
Ustavnog suda Bosne i Hercegovine

SARAJEVO, 23.12.2022
Broj: 12-2305/22

Sarajevo, 20. decembar 2022. godine
Broj: SU-08-1185-11/22